



საქართველოს გარემოს დაცვისა და სოფლის გაუკრებების მინისტრი

ბრძანება N 2-58

15/01/2021

ქ. თბილისი

შპს „სოკარ ჯორჯია პეტროლეუმის“ 10 000 კუბ.მ. ჯამური მოცულობის
ნავთობპროდუქტების საცავის ექსპლუატაციაზე გარემოსდაცვითი გადაწყვეტილების
გაცემის შესახებ

2020 წლის 28 დეკემბერს სამინისტროს მომართა შპს „სოკარ ჯორჯია პეტროლეუმის“
დირექტორმა და ითხოვა გარემოსდაცვითი გადაწყვეტილების მიღება.

2017 წელს საქართველოს გარემოსა და ბუნებრივი რესურსების დაცვის სამინისტროს
მიერ შპს „სოკარ ჯორჯია პეტროლეუმის“ 10 000 კუბ.მ. ჯამური მოცულობის
ნავთობპროდუქტების საცავის ექსპლუატაციაზე გაიცა №53 (11.08.2017) ეკოლოგიური
ექსპერტიზის დასკვნა და გარემოზე ზემოქმედების წებართვა.

„გარემოსდაცვითი შეფასების კოდექსის“ 48-ე მუხლის მე-4 ნაწილის თანახმად, პირი,
რომელზედაც 2018 წლის 1 იანვრამდე გზშ-ის სფეროში გაცემულია შესაბამისი
აღმჭურველი ადმინისტრაციულ-სამართლებრივი აქტი, ვალდებულია 2021 წლის 1
იანვრამდე, განცხადების საფუძველზე მოითხოვოს გარემოსდაცვითი გადაწყვეტილების
გაცემა. სამინისტრო აღნიშნული აღმჭურველი ადმინისტრაციულ-სამართლებრივი აქტის
საფუძველზე, ამ კოდექსით გარემოსდაცვითი გადაწყვეტილების გაცემისთვის
განსაზღვრული პროცედურების გარეშე, მარტივი ადმინისტრაციული წარმოების წესით
გასცემს გარემოსდაცვით გადაწყვეტილებას.

აღნიშნულის გათვალისწინებით მომზადდა მინისტრის ბრძანების პროექტი, რომლის
შესაბამისად გარემოსდაცვითი გადაწყვეტილება გაიცემა 2017 წლის №53 ეკოლოგიური
ექსპერტიზის დასკვნის საფუძველზე და საქმიანობის განმახორციელებელს დაეკისრება
ვალდებულება, უზრუნველყოს გარემოსდაცვითი გადაწყვეტილებით განსაზღვრული
პირობების შესრულება.

ამავდროულად, ძალადაკარგულად ცხადდება „შპს „სოკარ ჯორჯია პეტროლიუმი“-ს 10
000 კუბ.მ. ჯამური მოცულობის ნავთობპროდუქტების საცავის ექსპლუატაციაზე
გარემოზე ზემოქმედების წებართვის გაცემის შესახებ“ საქართველოს გარემოსა და
ბუნებრივი რესურსების დაცვის მინისტრის 2017 წლის 15 აგვისტოს №ი-595 ბრძანება,
თუმცა აღნიშნული გარემოსდაცვითი გადაწყვეტილებით იურიდიულ ძალას ინარჩუნებს
2017 წლის №53 ეკოლოგიური ექსპერტიზის დასკვნა, რომელიც დანართის სახით თან
დაერთვება მოცემულ გადაწყვეტილებას.

ზემოაღნიშნული გარემოებებისა და „გარემოსდაცვითი შეფასების კოდექსის“ 48-ე
მუხლის მე-4 ნაწილის საფუძველზე,

ვ ბ რ ძ ა ნ ე ბ:

1. შპს „სოკარ ჯორჯია პეტროლეუმის“ 10 000 კუბ.მ. ჯამური მოცულობის ნავთობპროდუქტების საცავის ექსპლუატაციაზე გაიცეს გარემოსდაცვითი გადაწყვეტილება, თანდართული ეკოლოგიური ექსპერტიზის დასკვნის საფუძველზე (დასკვნა №53; 11.08.2017);
2. გარემოსდაცვითი გადაწყვეტილების მფლობელი ვალდებულია დაიცვას თანდართული ეკოლოგიური ექსპერტიზის დასკვნის პირობები;
3. ამ ბრძანების პირველი პუნქტით გათვალისწინებული გარემოსდაცვითი გადაწყვეტილება გაიცეს განუსაზღვრელი ვადით;
4. ძალადაკარგულად გამოცხადდეს „შპს „სოკარ ჯორჯია პეტროლიუმი“-ს 10 000 კუბ.მ. ჯამური მოცულობის ნავთობპროდუქტების საცავის ექსპლუატაციაზე გარემოზე ზემოქმედების ნებართვის გაცემის შესახებ“ საქართველოს გარემოსა და ბუნებრივი რესურსების დაცვის მინისტრის 2017 წლის 15 აგვისტოს №ი-595 ბრძანება;
5. გარემოსდაცვითი გადაწყვეტილების სხვა პირზე გადაცემის შემთხვევაში გარემოსდაცვითი გადაწყვეტილების გადაცემა განახორციელოს „გარემოსდაცვითი შეფასების კოდექსით“ დადგენილი წესით;
6. ბრძანება დაუყოვნებლივ გაეგზავნოს შპს „სოკარ ჯორჯია პეტროლიუმის“;
7. ბრძანება ძალაში შევიდეს შპს „სოკარ ჯორჯია პეტროლიუმის“ მიერ ამ ბრძანების გაცნობისთანავე;
8. ბრძანების გაცემიდან 5 დღის ვადაში აღნიშნული ბრძანება განთავსდეს სამინისტროს ოფიციალურ ვებგვერდზე;
9. ეს ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი

მინისტრი